

中國科學院圖書館選編

稀見中國地方志彙刊

第四二冊

中國書店

稀见中国地方志汇刊

(第四十二册)

中国科学院图书馆选编

*

中国书店 出版

新华书店首都发行所发行 江苏金坛县第二印刷厂印刷

*

787×1092 1/16 印张: 50.5

1992年12月第1版 1992年12月第1次印刷

ISBN 7-80568-237-2/K·71

定价: 115 元

明·陳大科 戴耀修 郭棐等纂

廣東通志

上

廣東通志 七十二卷 (明) 陳大科 戴耀修

(明) 郭棐等纂

——明萬曆二十九年(一六〇一年)刻本

明洪武二年(一三六九年)以元廣東道及元海南海北道爲廣東等處行中書省，八年(一三七五年)改爲承宣布政使司。萬曆間領廣州、肇慶、韶州、南雄、惠州、潮州、高州、雷州、廉州、瓊州十府及羅定直隸州。相當今廣東省、海南省，廣西省欽州地區及香港、澳門地區。

明嘉靖十四年(一五三五年)巡按御史戴璟修《廣東通志初稿》四十卷首一卷，今僅見藏北京圖書館。嘉靖四十年(一五六一年)前詹事香山黃佐復纂《廣東通志》七十卷，今僅遺殘帙。

萬曆中，兩廣總督陳大科，巡按御史馬文卿又議修通志，延前光祿卿南海郭棐及前光祿寺丞王學曾、前參政袁昌祚主纂，自萬曆二十七年(一五九九年)秋開局，至二十九年(一六〇一年)夏剗劂始竣。定稿時總督已易戴耀，巡按御史爲李時華。今全帙僅見藏日本內閣文庫。

註：原缺卷三十九第五頁、第十五頁頁碼；卷六十七不到尾。

廣東通志

解

今在有天下之精武德三
十年海其日出之邦靡不委命
絞心奉若明德一時文武大吏
可司庶府越在疆場者咸得聞
於戎車以修禍亂
東粵去
天萬里先督府廣陵陳公天行
以親師至念粵嶺海都會文獻
實埒中三奈何紀乘脫畧徵信
惟艱方策之未圖政時安傳有
如季札韓起其人得以如濡之
轡求多于在事者無論掌故實
闕亦安所據以揚大風而知周

禮盡在魯乎於是與直指馬公
文卿謀於藩臬大夫胡君心得
等共圖所以方策粵者僉謂粵
故有通志成于宮詹黃公迹熄
且四十年紹聞今日否亦今日
乃以幣介光祿郭公柴王公學
曾少叅袁公昌祚及所徵文學
賢良若而人館之穀之盟之申
之先期檄十廳長吏各以方言
來會乃按宮詹舊本合而訂之
已復裒之益之更之定之體裁
不必同要以竊取筆削備萬年
文獻之傳則炳炳乎其大觀也
役告竣屬陳公馬公繼直指顧

公龍禎各以事代去余不佞耀承乏陳公後偕直指李公時華聿觀厥成諸公謂不佞宜有言以弁簡端不佞每聞談粵者以為粵故荒服地開闢肇自秦漢心竊疑之及考堯命羲叔宅南交舜巡狩至衡山奏九成于韶石彼其時粵故已入職方高固傳書之事海濱鄒魯之稱居然出秦漢以前烏在其鬻髮文身不可以冠帶理也假令聲教之弗考第以開闢壤地爲功則始皇武帝賢於唐虞二典所垂徒虛語耳即劉安之書具在亦豈

能令粵人蒙此聲也晉唐至今禮樂征伐代有主者然而廣狹異地分合異時治亂異軌仁暴異政君子小人異尚休咎災祥異變亦孰測其畫一哉我太祖神武開基列聖相承其間佐命弼諧策勲累伐之臣多繇粵起二百年來朝廷一切大制作大因革粵不以遐僻而不與聞海濱山陬一或弗寧至厯上命轉餉徵兵必底定而後已國家於粵奚啻外府視之願年來事變稍異不無可虞前此幅

圓常蹙矣今開疆剖符何郡蔑有而空虚如故也前此守備常略矣今重墉屹立敵臺捍門而踈玩如故也前此兵力常絀矣今四郊之戍居內六寨之屯居外能海不波而莽不伏乎前此版籍常溷矣今丈以覈之清以釐之窮簷之下能浮者盡汰而逋者盡供乎前此內外常肅矣今貢舶番夷雜處近地保無五部左賢之隙乎前此餽餉常給矣今邊儲贖錢悉括上供保無空軸脫巾之變乎前此風俗常厚矣今僭侈憑陵在在見告保

廣東通志

卷一

七

七

無妨貴凌長之釁乎且也礦稅珠池天精地脉自中使噉

命採權並出十罷蒸黎幾無完膚嶺海之虐于斯極矣夫受必趨之勢則思其自始覩方漸之萌則慮其適歸不愆不忘率由舊章此亦酌古濟今之一時也

廣東通志

卷一

六

七

孔子有言在人賢者識其大者不賢者識其小者莫不有文武之道焉迺今筆削則宗孔氏文獻則本唐虞

令甲章章何論大小若審時因俗興壞扶微革薄還淳亨屯保泰儀刑儆戒方策具存不習爲

吏視已成事魯無君子斯焉取
斯是編也其裨于吾黨大矣古
者天子巡狩于方岳陳詩觀風
尤必引見其高年有德之士至
以用舍爲慶讓才不擇地何必
去父母之邦今耆碩方正連袂
衡門十畝之間謫籍居半山川
之靈不鬱滯則不大發時與事
會著述若爲先徵楚書不云乎
惟善以爲寶毋使萬世而下有
若季札韓起其人第謂粵國開
闢肇自秦漢且執劉安之籍以
羞海濱也則二三君子手澤具
在不佞何力之有焉

欽差總督兩廣軍務都察院右
都御史兼兵部右侍郎漳南戴
燿頓首書



粵東通志敘

萬曆庚子冬季不佞奉

命按粵東越明年春仲粵志告成因披覽迴環不覺神王雖未即躬徧方內而一切大較歷歷如指諸掌則為之歛衽曰善志哉大而覈簡而談婉而嚴麗而不靡非良史才孰能載筆若此於是藩臬諸君子暨鄉之縉紳先生相率而屬不佞為之敘不佞與有巡方之責其又奚辭夫自羲叔平秩而宅南交召虎經營而至南海溟涬望韶石虞泉重華之遺跡在焉則粵為中國

月三

卷二

五

南境明甚而禹蹟揚州之域厥

貢瑤琨篠蕩齒革羽毛率不異

今之粵產古所稱揚粵非誣已

廼尉佗自謂居蠻夷久此何以

稱焉無亦明王不作聲教弗訖

於海而島居卉服之人反竊據

以自雄故耶而後世遂以粵為

蠻服自漢始通中國舍虞夏之

文而取信於目論固知其無當

也粵之有志蓋昉於鐸氏微迨

漢有南裔志晉著交廣春秋而

粵之聲名文物斌斌紀載間矣

獨怪曲江以一代宗臣而不為

全廣作志不能無遺憾焉自宋

廣東通志

卷二

二

及元僅存崖略其佚而弗傳者不可勝數也明興黃宮詹佐綜覈古今爰成通志文與實副鬱為一代鴻裁而說者猶有遺議乃者邦之縉紳先生如郭光祿卿裴王光祿丞學魯袁藩叅昌祚皆所謂良史才也制府七閩戴公前直指姑蘇顧公以為三君子幸而家食斯志也非三君子孰能修之乃檄所司將幣以請而三君子慨然以為已任相與考鏡圖經蒐羅掌故刪繁舉要據事直書彙粹分門臚陳昉列逞逞嚴衮鉞於筆削寓經

廣東通志

卷二

三

志

濟於文章盖不朽之洪業而橐中之善志也李子曰不佞讀斯志也不能無古今之慨焉粵故稱樂國土沃而民饒山海之珍甲於寓內其鍾於人則鉅公名碩相望後先至明猶盛蓋列聖之所培植二百年於今非一朝一夕之故矣頃不佞行部諸郡國類多物力凋耗閭里蕭條殊不類籍中所紀豈物盛則衰風氣使然歟無亦此者發天地之房探珠輦寶蕭然煩費而疲於奔命歟獨幸鴻猷駿節樹惇譚道之士則古猶今耳嗟嗟

廣東通志

卷二

四

志

豐瘠者數幹運者人今欲復浩
穰之初養和平之福壑菑除患
轉危為安是惟我二三大僚及
郡國諸賢相與戮力同心隨時
調劑務在成就安全以立元元
之命庶幾哉漸復夙昔泰寧風
烈嗣是書之大乘與先民焜耀
無窮已時則斯志也將藉以益
重而不佞實亦與有榮施矣是
為敘

萬曆辛丑嘉平月穀旦

巡按廣東監察御史黔南李時

華譔



廣東通志序

越嶺以南襟帶山海稱都會舊
已說者猥云荒憬則以為漢陸
大夫使越越迺通不者猶然椎
結豈以九丘散佚終不可問耶
唐虞之際典謨史傳所稱述南
交韶石蹟匪磨滅下此則商著
獻今周咏疆理其比隆中土非
一日矣至於載籍圖經則晉唐
盛焉蓋天地之氣自北而南而
乾坤磅礴惟海滋大其間胥于
初未始不發抒于後故紀載詳
畧可以觀風越固南漸之極也
其至每遲昌明之運中天而始

耀攷在

肅皇帝朝則直指戴公宮詹黃公
先後志之蓋千古得失之林而
瓊琅之府也逮今餘四十年其
間州邑開設以十計勲賢建立
以百計戶籍登耗以千計至於
株山竭澤之使絡繹不絕於道
徑竇旁開漁獵四出比之夙昔
憲章紛更者又不但以萬億計
世代嬗禪日異而月不同寧令
其脫畧殘闕使後之人無所考
鏡而因革也乎前司馬廣陵陳
公直指黔南馬公竊有慨焉而
欲新之時則勲卿郭公渠勲丞

廣東通志

卷三

二

直隸

廣東通志

卷三

直隸

王公學曾藩叅袁公昌祚皆世
所推博雅君子也有筆如椽會
居家食殆天惠越人而貽之三
先生以執纂脩之事猶集二三
儒彥燃藜騁目兼采旁搜豈徒
庖羞獨割尸祝引助乎哉無何
陳馬二公遷去今司馬戴公前
直指顧公相繼蒞事而今直指
李公寔董飭之辛丑秋余不佞
濫竽藩政昕夕飲冰猶懼爽侮
而忝盛典爰戒吏人除客館勾
掌故拓工資以佐之編摩雙校
再歷寒暑幸邀諸使者之靈三
先生之惠獲睹其成有榮施矣

而標華揚美寧能授簡于臺使者後乎雖然史記尉佗乘黃屋稱制者近百年至高固著傳時世已目之為海濱鄒魯故晉景純先生南抵靈洲稱為盛衣冠之氣亶其然與况華風醞釀迨今日也不佞曩奉

廣東通志

卷三

四

禮

璽書督屯鹺于臬偶以督學使者闕遂越俎攝試事車轍幾遍粵中得以攬勝探奇大都與紀載所稱不謬獨金銀珠寶之氣徒存空名於籍今茲之來則東土會計之司錢穀之吏也主會計則言會計蓋不能不咨嗟流涕

為粵民悲矣夫越楊州之遐城厥田堇下下耳則壤成賦不煩使節追呼歲所灌輸以應公家卒不敢後于率土粵之民其三代直道之民乎丙申以來水旱兵凶歲無寧日小民其咨救死不贍隣境猶欲為晉而越為秦鴻鴈嗷嗷越則中澤斯又難矣乃茲稅賦日增率土胥困越所輸至盈二十萬緡海而鹽蜃數而薪烝臺析銖筭視率土倍則倍困矣豈東南財力越最稱饒而因饒取之耶夫天下之奉上也不難先率土而用其情上之取

廣東通志

卷三

五

禮

下也奈何倍天下而重之困漢
臣曰琴瑟不調甚者必解而更
張之日

天子軫念元元下咫尺罷諸一切
夫非琴瑟更張時乎未幾而反
汗征歛如故辟諸東野畢之御
馬馬力竭矣而猶求焉將敗蹟

廣東通志

序三

六

陽明

壓覆是愚不佞所以按圖撫籍
咨嗟流涕而求以寬之無繇也
嘗觀天下風氣蓄極必洩洩極
必窮窮復返樸粵之民力竭矣
窮極此其興耶三先生翩翩稱
良史才要以志中所紀述字嚴
衮鉞義昭勸戒正欲使吏茲土

者睹運甓易瓦之勤而警慵也
誦鐵漢貪泉之咏而砥節也撫
三洲九成之臺而尋理閩也追
還珠沉香遺履之風而清化源
也察馴鱷分茅銅柱之跡而擣
枕無懼也讀罷荔枯地之疏而
赤衷思效也繼自今景行戮力

廣東通志

序三

七

陽明

以濟時艱而挽風靡樹駿流鴻
非異人任將無以是編為秦鏡
乎抑有說焉蕭鄼侯主計關中
給餽不絕則以圖籍在握動知
虛實耳不佞爰爰謬總越中財
賦使額數茫然無所印證亦何
以知今日之故而慰此越人然

則三先生之大有助於不佞者
是志也它日藏之名山遺之令
則寧使薰歇響絕竹素空垂銀
書未續者哉於是乎序

萬曆壬寅相月上瀚之吉

廣東等處承宣布政使司左布


政使浙東暨陽陳性學頓首譔

廣東通志

序三

八

右
九



廣東通志序

古人有言曰人毋以水監當以
人監監也者鑑也照往昔映來
茲法戒犁然意莫良于史春秋
尚矣秦漢以還載乘滋浩乃涑
水上下數千年而作通鑑通鑑
等史耳今列郡有志猶列代有

廣東通志

序四

十

四

史通志無亦通鑑遺意歟粵故
有通志從來久遠余庚子入粵
屬有重修之役于時光祿郭公
渠王公學曾少叅袁公昌祚狎
主壇玷三君子所為殫歲月之
纂組搜竹素之琛賁煌煌乎作
者已志成余悉得受而卒業焉

乃嘆方輿有定人事何常當其
魄兆必有超然獨創于無前而
後乃得因緣損益以嚮其成粵
故介在南裔說者謂迄秦漢始
罷縣然詩稱疆理南海虎之績
爛焉而韶石舜祠猶有可憑而
吊者帝質王文美哉始基之

廣東通志

卷四

三

四

漢更兩禪始解椎而正襟

皇明版章一統粵之盛冠帶衣
履天下上下數千年間揭暗宵
而耀震旦盪腥氛而鏡至清疇
非人力哉近不具論論其創者
俯粵王之宮問黃屋左纛安在
則終賈之餘勁吾謂循賢于樓

船十萬衆也南指庾關梅將軍
之名與嶺並峙而曲江金鏡一
代遺直風度誰復有似焉者東
瞰惠潮馴鱷魚之暴者伊何人
孤臣遷客文彩與江山代炳其
靈撫石室三洲則濂溪理學之
淵源如觀麒麟山下金縷隱矣

廣東通志

卷四

三

四

則宣卿始魁天下之趾存焉菁
峒漲洋上霧下濤冥冥乎珠崖
銅柱之界奠山晏海之勳可得
而書矣他若高固發祥于卸穀
孟嘗流澤于還珠隱之砥節于
酌泉唐羌抗疏于貢荔錫光以
禮義扇華風茨充以藝殖阜民